

第七二七册

經濟彙編

禮儀典

巡狩部

藉田部

幸學部

幸學部

幸學部

養老部

鄉飲酒禮部

經筵部

(卷)

二九七—三〇〇

三〇一—三〇二

三〇三

三〇四

三〇五—三〇六

三〇七—三〇八

古今圖書集成

中華書局影印

圖書集成
卷一百一十五

目錄

卷一百一十五

古今圖書集成

中華書局影印

欽定古今圖書集成經濟彙編禮儀典

第二百九十七卷目錄

巡狩部彙考五

宋太祖建隆一則 開寶一則 真宗咸平一則
宋太宗太平興一則 大中祥符二則 徽宗靖
康一則 高宗建炎三則 紹興八則
金太宗天會二則 熙宗天眷二則 皇統四
則 世宗大定十三則 章宗明二則 正隆一
則 安一則 泰和二則 宣宗貞祐一則 承
元定宗元一則 世宗中統三則 至元三則
則 成宗元貞一則 泰定帝泰定三則 文
宗至順二則 順帝元統一則 至正一則

禮儀典第二百九十七卷

巡狩部彙考五

宋

太祖建隆元年六月上如路

按宋史太祖本紀建隆元年夏六月上如路辛卯大

赦減死罪免附路三十里今年租錄陣歿將校子孫

丁夫給復三年

開寶九年三月幸西京

按宋史太祖本紀開寶九年春二月丙子幸西京已

卯次鞏縣拜安陵庚辰賜河南府民今年田租之半
奉陵戶復一年辛巳至洛陽庚寅大雨分命近臣詣
諸祠廟祈晴辛卯幸廣化寺開無畏三藏塔夏四月
己亥雨霽庚子有事園丘迺御五鳳樓大赦諸官未
贈恩者悉單賁王寅大宴賜親王近臣列校襲衣金
帶鞍馬器幣有差丙午駕還辛亥至上至自洛
按文獻通考開寶九年幸西京先命重修宮室極其
壯麗所過賜夏秋田租之半
真宗咸平二年詔幸河北

按宋史真宗本紀咸平二年十一月乙未詔幸河北
所次頓舍給用毋泛及州縣十二月甲寅駕發京師
次陳橋戊午駐蹕澶州辛酉宴從臣於行宮壬戌賜
近臣甲冑弓劍辛酉浮橋登臨河亭賜澶州父老錦袍
茶帛甲子次大名丁卯召見大名府父老勞賜之
按禮志巡幸之制唐開元禮有告至肆覲考制度之
儀開寶通禮因之太祖幸西京所過賜夏秋田租之
半真宗朝諸陵及舉大禮途中皆服折上巾率袍出
京過京城服轉袍具駕駕羣臣公服繫鞵供奉班及
內朝官前導凡從官並日赴行宮合班起居晚朝視
事羣臣不赴中頓侍食百官就宿頓迎駕訖先發或
道途險遠則免迎駕將進發近臣諸軍賜裝錢出京
畱司馬步諸軍夾道左至新城門外奉辭畱守辭於
門內百官父老辭於苑前召畱守等賜飲苑中州縣
長吏畱司官待于境所過賜巡警兵守津梁行郵治
道卒時服錢履父老綬袍茶帛途中賜衛士緡錢所
幸寺觀賜道釋茶帛或加紫衣師號吏民有以饗餼
酒果方物獻者計值答之命官籍所過繫囚通負者

日引對多原釋仍採訪民間疾苦賑恤孤獨車
服度量權衡有不如法則舉儀制禁之有奇材異德
及政事尤異者孝子順孫義夫節婦為鄉里所稱者
其不守廉隅昧於正理者並條析以聞官吏知民間
疾苦者亦許錄奏所過州府結綵為樓陳音樂百戲
道釋以威儀奉迎者悉有賜東京畱守遣官表請還
京優詔答之駕還京大陳兵衛以入凡行幸太祖太
宗不常其數自咸平中車駕每出金吾將軍帥士二
百人執轡周繞謂之禁圍春夏緋衣秋冬紫衣郊祀
省方並增二百服錦襖出京師則加執劔親王中書
樞密宣徽行圍內餘官圍外大禮備儀衛則有司先
布土為黃道自宮至祀所左右設香臺畫兌青繩關
干巡省在途則不設凡巡省翰林進號傳詩付樞密
院每夕摘字令衛士相應為識東京舊城城門西京
皇城司並契勘內外城宮廟門並勘箭出入皆然入
藩鎮外城子城門亦勘箭朝陵定扈從官人數入柏
城者僕射以上三人丞郎以上二人餘各一人東封
定仗內導駕官從人數親王中書樞密宣徽三司使
四人學士尚書丞郎節度使三人大兩省大卿監三
司副使樞密承旨客省閣門使副金吾大將軍押仗
鳴珂內殿崇班以上二人餘各一人命諸司巡察之
自後舉大禮皆循此制
景德六年車駕北巡
按宋史真宗本紀景德六年十一月庚午車駕北巡
癸酉駐蹕章城縣甲戌寒甚左右進貂帽裘裘却之
曰臣下皆苦寒朕安用此丙子帝次澶州渡河幸北
岩御城北樓召諸將撫慰十二月壬午幸城南臨河

亭賜擊凌軍綿襦癸未辛北岩又幸李繼隆營命從官將校飲犒賜諸軍有差詔諭兩京以將班師甲申契丹使姚東之來獻御衣食物乙酉御行營南樓觀河遂宴從官及契丹使丙戌遣使撫諭懷孟澤潞鄭滑等州放強壯歸農丁亥遣使安集河北流民瘞暴骸戊子幸北岩勞軍召李繼隆石保吉宴射行宮西亭壬辰赦河北諸州死罪以下民經蹂踐者給復二年死事官吏追錄子孫甲午車駕發澶州大寨賜道傍貧民襦袴戊戌至自澶州

景德四年正月幸西京三月至自西京

按宋史真宗本紀景德四年春正月己未車駕發京師庚申大中牟縣除道負釋繫囚賜父老衣幣所過如之丙寅次安樂鎮丁卯帝素服詣諸陵減西京及諸路繫囚罪二月己巳幸西京經漢將軍紀信塚司徒魯恭廟贈信太尉恭大師命吏部尚書張齊賢祭周六廟詔從官先登在洛者賜告祭拜甲戌幸上清宮詔賜酺三日甲申御五鳳樓觀酺召父老五百人賜飲樓下辛卯車駕發西京甲午次鄭州遣使祀中嶽及周嵩懿二陵三月己亥至自西京

按文獻通考景德四年正月幸西京朝諸侯命知樞御史王濟等籍所過父老及繫囚通負官物人仍察民間疾苦每日引通欠人及繫囚等對於行在多獨免原釋父老賜茶帛綾袍其貢香藥名馬者召對撫慰賜之金帛

大中祥符元年十月東巡

按宋史真宗本紀大中祥符元年夏四月曹濟州廣濟軍耆老二千二百人詣闕請臨幸五月壬午詔錄

路行宮舊屋止加塗墍毋別棚突未詔離京至封禪以前不舉樂所經州縣勿以聲伎來迎秋九月戊寅西京諸州民以車駕東巡貢獻各對勞賜之冬十月庚寅以巡幸置考制度使副凡巡幸則命之辛卯車駕發京師丙申次澶州宴周瑩於行宮辛丑駐蹕鄆州甲辰詔扈從人毋壞民舍什器樹木丁未法駕入乾符縣奉高宮辛亥享昊天上帝於圓臺壬子禋社首癸丑御朝觀壇之壽昌殿受羣臣朝賀大赦天下常赦所不原者咸赦除之文武並進秩賜致仕官本品全奉一季京朝官衣緋綠十五年者改賜服色令開封府及所過州軍考送服勤詞學經明行修舉人其懷材抱器淪於下位及高年不仕德行可稱者所在以聞三班使臣經五年者與考課兩浙錢氏泉州陳氏近親蜀孟氏湖南馬氏荆南高氏廣南河東劉氏子孫未食祿者聽叙用賜天下酺三日改乾封縣為奉符縣泰山七里內禁樵採大宴穆清殿又宴近臣泰山父老於殿門賜父老時服茶帛甲寅次太平驛賜從官辟寒九花茸袍丙辰次兗州以州為大都督府十一月戊午幸曲阜縣詣文宣王廟輶車再拜幸叔梁紇堂近臣分奠七十二弟子遂幸孔林遣官祭以太牢賜其家錢三十萬帛三百匹以四十六世孫聖佑為奉禮郎近屬授官賜出身者六人追諡齊太公曰昭烈武成王令青州立廟周文公曰文憲王曲阜縣立廟辛酉賜諸蕃使袍笏壬戌次東都縣幸廣相寺癸亥次鄆州幸開元寺丁卯賜曲阜縣孔子廟經史辛未幸河濱廟加封癸酉曲宴永清軍節度使周瑩賜兵士緡錢丁丑帝至自泰山

按文獻通考大中祥符元年三月詔許羣臣請封禪有司言準禮巡狩有燔柴告至皇帝親行事即不載有司攝事之文車駕至泰山合行告至望令太尉以酒脯幣帛于山下壇告至奏可又詔給事中張秉等管勾所經州縣父老詣行在者送門引對賜以酒食州縣見禁囚具所犯以聞又詔以御史中丞王嗣宗攝御史大夫為考制度使左正言知制誥周起攝中丞為副使所經州縣採訪民間不便事並市物之價車服權衡度量不如法則者舉儀制禁之有奇才異行隱淪不仕者與所屬長吏詢求論薦錄其獨不能自存者重加賑恤官吏政迹尤異民受其惠及不守廉隅昧於政理者孝子順孫義夫節婦為鄉里所稱者並條析以聞官吏知民間利病者亦為錄奏有司言澶州城門卑下不容大聲請徹門而出上慮煩勞不許詔由城外而過他所皆然又詔扈從人宿頓所無得壞民舍什物樹木違者重寘其罪為朝覲壇於奉高宮之南方九丈六尺高九尺四出陞其南兩陛設仗衛官懸於壇中書門下文武百官皇親諸軍將校四方朝貢使舉人蕃客父老僧道皆在列設藥文宣公位於文官三品之下鄆州長吏悉悉上服袞御壽昌幄殿受朝賀大赦天下遂幸兗州賜從官待制以上宗室將軍辟寒九紫花茸綿細窄袍八月有司言祠宇之旁難行觀禮望俟於河中府朝覲經度制置使陳堯叟等言寶鼎行宮之前可以設壇詔如堯叟等言

大中祥符四年正月上西巡

按宋史真宗本紀大中祥符四年春正月丁酉發京

師辛丑陳輓殿於普村望拜諸陵甲辰至慈澗頓賜
道傍耕民茶餅二月戊申賜駕諸軍緡錢壬子出
潼關渡渭河遣近臣祠西嶽癸丑次河中府丁巳次
寶鼎縣奉祇官戊午登後園延慶亭辛酉祀后土地
祇還奉祇官幸開元寺作大軍宮大赦天下文武官
並進秩四品以上迨事太祖太宗潛藩或嘗更邊任
家無食祿者錄其子孫建寶鼎縣為慶成軍建隆佐
命及公主將相丘冢所在致祭給西京分司官實奉
三分之一令法官慎刑名有情輕法重者以聞賜天
下醺三日大宴羣臣於穆清殿賜父老酒食衣幣乙
丑觀酺加號西嶽謚夷齊祠乙巳次華州幸雲臺
觀庚午宴宣澤亭召見隱士鄭隱李寧賜茶果束帛
辛未次閿鄉縣召見道士柴又元問以無為之要壬
申宴號州父老於湖城行宮三月甲戌次陳州召草
澤魏野辭疾不至乙亥賜運船卒時服己卯次西京
庚辰罷河北緣邊工役壬午幸上清宮甲申幸崇法
院移幸呂蒙正第賜服御金幣丙戌大宴大明殿丁
亥詔茸所經歷代帝王祠廟己丑御五鳳樓觀酺壬
辰詔朝陵自西京至鞏縣不舉樂癸巳禁扈從人踐
田稼甲午發西京丙申謁安陵宋昌諸陵壬寅幸列
子廟表潘孝子墓夏四月甲辰朔上至自汾陰

欽宗靖康元年道君皇帝東巡

按宋史欽宗本紀靖康元年春正月己巳道君皇帝
東巡以領樞密院事蔡攸為行宮使尚書左丞宇文
粹中副之庚午道君皇帝如亳州辛巳道君皇帝幸
鎮江三月癸未遣李綱迎道君皇帝於南京乙酉迎
道君皇帝於宜春詔扈從行宮官吏候還京日優加

實典夏四月己亥迎太上皇帝入都門

按老學庵筆記徽宗南幸至潤州郡官迎駕於西津
及御舟抵岸上御樓頂轎子一宦者立轎旁呼曰道
君傳語衆官不須遠來衛士廬傳以告遂退徽宗南
幸還京服栗玉拉桃冠白玉簪藉紅羽衣桑七寶輦
蓋吳敏定儀注云

高宗建炎元年車駕巡幸淮甸

按宋史高宗本紀建炎元年秋七月乙巳手詔京師
未可往當巡幸東南丙午詔定議巡幸南陽丁未遣
官詣京師迎奉太廟神主赴行在九月壬辰以金人
犯河陽汜水軍詔擇日巡幸淮甸丁酉詔荆襄關陝
江淮皆備巡幸乙巳宗澤表請車駕還關己酉以謀
報金人欲犯江浙詔暫駐淮甸捍禦稍定即還京闕
癸丑詔有敢妄議惑衆沮巡幸者許告而罪之不告
者斬冬十月丁巳朔帝登舟幸淮甸庚午次泗州幸
普照寺己卯次楚州寶應縣按禮志建炎元年七
月詔曰祖宗都汴垂二百年比年以來圖慮弗臧禍
生所忽肆朕纂承顧瞻宮室何以爲懷是用權時之
宜法古巡狩駐蹕近甸號召軍馬朕將親督六師以
援京城及河北河東諸路與之決戰歸宅故都迎還
二聖以稱朕夙夜憂勤之意十月一日車駕登舟巡
幸淮甸宰執侍從百司三衛禁旅五軍將佐扈衛以
行駐蹕揚州

建炎三年幸杭州復自杭幸江寧尋幸浙西復幸浙
東

按宋史高宗本紀建炎三年春正月庚辰朔帝在揚
州二月壬子內侍鄭詢報金兵至帝被甲馳幸鎮江

府是日金兵逼楊子橋癸丑游騎至瓜洲王淵請幸
杭州是夕發鎮江次呂城鎮甲寅次常州丙辰次平
江府己未次秀州壬戌駐蹕杭州夏四月丁卯帝發
杭州五月戊寅朔帝次常州辛巳次鎮江府乙酉至
江寧府駐蹕神霄宮改府名建康六月甲戌移御行
宮乙亥詔諭中外以迫近防秋請太后率宗室迎奉
神主如江表百司庶府非軍旅之事者並令從行朕
與輔臣宿將備禦寇敵應接中原官吏士民家屬南
去者有司毋禁閏八月壬寅帝發建康復還浙西張
俊辛金宗以其軍從甲辰次鎮江府賜陳東家金冬
十月癸未帝至杭州復如浙東庚寅渡浙江壬辰帝
至越州十一月丁卯下詔回浙西己巳帝發越州癸
酉帝如明州十二月己丑帝乘樓船次定海縣給行
在諸軍雪寒錢癸巳帝次昌國縣庚子移幸溫台

按禮志建炎三年幸杭州自杭州幸江寧府尋幸浙
西自浙西幸浙東乃下詔曰國家遭金人侵逼無歲
無兵朕纂承以來深軫念慮謂父兄在難而吾民未
撫不欲使之陷於鋒鏑故包羞忍恥爲退避之謀冀
其退志而歸稍得休息自南京移淮甸自淮甸移建
康而會稽播遷之遠極於海隅卑辭厚禮使介相望
以至願去尊稱甘心貶屈請用正朔比於藩臣遣使
哀祈無不曲盡假使金石無情亦當少動累年卑屈
卒未見從生民嗷嗷何時休寧今諸路之兵聚於江
浙之間朕不憚親行據其要害如金人尚容朕爲汝
兵民之主則朕於事大之禮敢有不恭或必用兵親
我行在傾我宗社塗炭生靈竭取東西金帛子女則
朕亦何愛一身不臨行陣以踐前言以保羣生朕已

取十一月二十五日移蹕前去浙西爲迎敵計惟我將士人民念國家涵養之恩二聖拘縻之辱悼殺戮焚殘之禍與其束手待斃曷若併計合謀同心戮力奮勵而前以存家國乃詔御前應奉官司自合扈從外內太常寺據實用人數扈從餘接續起發

按文獻通考建炎三年十一月車駕至明州詔只帶親兵輦官長入祇候共三千餘人隨駕百官並減一半其餘候見駐蹕處起發前來
建炎四年詔巡浙西

按宋史高宗本紀建炎四年春正月甲辰朔御舟碇海中丙午帝次台州章安鎮己未金人陷明州辛酉發章安鎮甲子泊溫州港口二月庚寅帝次溫州三月癸卯朔呂頤浩請幸浙西丁未命發運司說諭兩浙富民助米以備巡幸辛酉御舟發溫州夏四月癸未帝駐越州甲申下詔親征巡幸浙西

紹興元年詔移蹕臨安
按宋史高宗本紀紹興元年春正月己亥朔帝在越州十一月戊戌詔移蹕臨安

按文獻通考紹興元年冬十一月詔以紹興駐蹕日久漕運艱梗軍兵薪水不便可移蹕臨安府
紹興二年車駕至臨安定巡幸儀

按宋史高宗本紀紹興二年春正月丙午帝至臨安府

按文獻通考紹興二年閏門言以車駕省方儀令參酌修立儀注詔從之車駕巡幸請還及期出城百里外奉迎主當物務并監臨官免赴臨京再千五里外起居次日入問聖體儀制車駕臨京詣城外奉迎起

居依開門儀內執政及兩省御史臺司并尚書侍郎以上侍從官節度使俟迎駕訖分左右前導入內一太常寺檢會因革禮太平興國五年太宗北征回禮院狀鑒駕還京是日早留守文武百官並出城奉迎再拜起居如常儀退中書門下兩省常侍以下舍人以上御史中丞并引駕至昇龍門下馬分班序立駕至中書門下橫行餘官不橫行俱再拜三呼萬歲俟駕過其不引駕官先至丹鳳門外立班俟駕至橫行起居再拜隨拜三呼萬歲分班俟駕過退次日中書門下文武百官內殿起居如常儀一今來前項儀令故事比附參酌若依儀起居前導官前導綠今來車駕係乘御舟進發切恐難以前導兼員數止有三兩員若依令除主當物務并監臨官不赴外餘官出城百里外奉迎其合赴官數目亦是不多兼俟迎駕班退合赴近城五里外起居其經由道路窄隘或至日值雨慮難以赴赴及百里外即非程頓去處若行創造待班暮次顯是勞費欲乞止依儀制應見任文武臣僚併寄居待闕京官小使臣以上出城五里外立班奉迎起居更合取自朝廷指揮一今擬定將來奉迎車駕節次其日留守率應見任文武臣僚并寄居待闕京官小使臣以上並履笏內將校止窄衣執杖矛詣餘杭門五里外分立定俟御舟將至舍人揖躬喝拜兩拜起留守奏聖躬萬福再喝拜兩拜訖各祇候御舟過並退內留守先入門赴章亭驛御帳下側立定俟車駕降御舟入御帳坐管軍臣僚并合從駕祇應官免奏萬福留守自赴帳殿下立定舍人揖躬宣名奏萬福喝祇候留守升帷殿當頭問聖體訖兩

拜如有宣諭又再拜訖詣御座左側奏事如儀俟奏事畢降階退皇帝升輦還內如宣馬臨時聽旨沿路官局並履笏迎駕起居應合從駕官并管軍臣僚祇應官等並從駕還內如儀
紹興五年二月丁丑帝發平江壬午帝至臨安進扈從官吏秩一等
按宋史高宗本紀云云

紹興六年車駕幸平江府
按宋史高宗本紀紹興六年八月乙巳命權殿前司解潘等帥精兵扈從主管步軍司邊順留兵守臨安知臨安府梁汝嘉爲巡幸隨軍都轉運使九月丙寅朔帝發臨安癸酉帝次平江十二月張浚入見請幸建康趙鼎請還臨安甲辰命呂祉如建康措置移蹕按文獻通考紹興六年九月車駕幸平江府先時詔將來進發三省樞密院百司以紹興四年隨從人數三分爲率差發二分前去應軍旅非泛支降錢穀差除並隨行在所處分其餘百司常程事務並留臨安府依舊行遣聽行官留守司與決內事有不決者即申奏行在所
紹興七年駐蹕建康

按宋史高宗本紀紹興七年春正月癸亥朔帝在平江下詔移蹕建康二月己未帝發平江三月癸亥朔次丹陽韓世忠入見命世忠見從岳飛次之甲子次鎮江楊沂中入見命沂中總領彈壓巡幸事務己丑獨駐蹕及經從州縣積年通賦辛未帝至建康十一月癸丑詔來春復幸浙西
紹興八年春二月癸亥帝發建康戊寅帝至臨安

按宋史高宗本紀云云

紹興三十一年帝發臨安次鎮江府

按宋史高宗本紀紹興三十一年十二月戊申帝發臨安建王從行壬子次平江戊午次鎮江府 按禮志紹興三十一年九月詔金人背盟失信今率精兵百萬躬行天討用十二月十日車駕進發應行宮臨安府文武百僚城北奉辭其日應文武百僚先詣城北幕次俟車駕御舟將至御史臺閣門太常寺分引文武百僚立班定兩拜訖俟御舟過班退

紹興三十二年正月車駕自建康還臨安 按宋史高宗本紀紹興三十二年春正月庚午發鎮江府壬申至建康府 按禮志紹興三十二年正月詔視師江上北騎遁去兩淮無警已委重臣統護諸將經畫進討今暫還臨安畢恭文廟廟之禮宜令有司增修建康百官吏舍諸路營營以備往來巡幸可擇日進發車駕還宮

金 太宗天會八年七月丁卯上如東京十月乙亥上至自東京 按金史太宗本紀云云 天會十年十月上如典中府十二月上至自典中府 按金史太宗本紀云云 熙宗天眷元年二月壬戌上如父刺春水乙丑幸天開殿六月戊午上至自天開殿 按金史熙宗本紀云云 天眷二年四月丁卯上如燕京九月戊申上至燕京 己酉親饗太祖廟

按金史熙宗本紀云云

皇統二年二月丁卯上如天開殿三月辛丑還自天開殿

按金史熙宗本紀云云 皇統四年如東京

按金史熙宗本紀皇統四年二月癸未上如東京丙申次泊河春水五月辛亥朔次薰風殿九月乙酉上如東京壬子敗于沙河射虎獲之十月乙卯遣使祭遼主陵辛酉詔薰風殿二十里內及巡幸所過五里內並復一歲十二月甲午至東京 皇統五年至自東京 按金史熙宗本紀皇統五年二月乙未次濟州春水三月戊辰次天開殿八月戊戌發天開殿九月庚申至自東京 按程案傳案熙宗時歷翰林待制兼右諫議大夫上疏其略曰古者天子皆有巡狩無非事者或省察風俗或審理冤獄或問民疾苦宣布德澤皆巡狩之名也國家肇興誠恐郡國新民棄本逐末習舊染之汚奢侈詐偽或有不明之獄僭濫之刑或力役無時四民失業今鑒輿省方將憲古行事臣願天心洞照委之長貳釐正風俗或置監以申冤枉或遣使郡國問民無告皆古巡狩之事昔漢昭帝問疾苦光武求民瘼如此則和氣通天下不平可坐而待也疏奏上嘉納之 皇統八年二月乙卯上如天開殿四月庚戌至自天開殿 按金史熙宗本紀云云 海陵天德四年九月至中京

按金史海陵本紀天德四年四月壬辰上自泰州如涼陁五月乙卯次臨潢府六月甲子朔駐綿山八月丙子次于鐸瓦九月甲午次中京

貞元元年二月庚申上自中京如燕京三月辛亥上至燕京初備法駕 按金史海陵本紀云云 貞元二年三月丙戌幸大興府 按金史海陵本紀云云 正隆六年幸河南府 按金史海陵本紀正隆六年正月癸丑命參知政事李通諭宋使徐度等曰朕昔從梁王軍樂南京風土常欲巡幸今營繕將畢功期以二月末先往河南帝王巡狩自古有之以淮右多隙地欲校獵其間從兵不踰萬人况朕祖宗陵廟在此安能久于彼乎汝等歸告汝主令有司宣諭朕意使淮南之民無懷疑懼庚子詔自中都至河南府所過州縣調從獵騎士二千二月己未禁扈從縱獵擾民庚申徵諸道水手運戰船癸亥發中都丙寅次安肅州三月癸巳次河南府因出獵幸汝州溫湯視行宮地自中都至河南所過麥皆為空復禁扈從母輒離次及游賞飲酒犯者罪皆死而莫有從者四月丁卯次溫湯誠扈從母輒過汝水上 世宗大定元年如中都 按金史世宗本紀大定元年十一月辛巳以如中都期日詔羣臣壬午詔中都都轉運使左淵曰凡宮殿張設毋得增置毋役一夫以擾百姓但謹園禁嚴出入而已戊子辭謁太祖廟及貞懿皇后園陵己丑如

中都大小口使中都留守宗憲先往壬辰次梁魚務丙申次義州十二月乙卯次三河縣丙辰次通州丁巳至中都壬戌詔軍士自東京扈從至京師者復三年

大定四年行幸安州

按金史世宗本紀大定四年正月丁酉如安州春水壬寅至安州大雪詔扈從人舍民家者人日支錢一百與其主二月丁巳免安州今年賦役及保塞縣御城邊吳二村凡扈從人嘗止其家者亦復一年辛酉獵于高陽之北庚午還都

大定六年三月如西京九月至自西京

按金史世宗本紀大定六年三月甲寅上如西京庚申次歸化州西京留守唐括德溫上謁戊辰至西京庚午朝謁太祖廟五月戊申幸華嚴寺觀故遼諸帝銅像詔王僧謹視之壬子詔雲中大同縣及警巡院給復一年壬戌詔將幸銀山諸扈從軍士賜錢五萬貫有敢損苗稼者並償之六月丙戌發自兩京庚子獵于銀山七月辛酉次三叉口八月辛未朔次涼陁庚辰獵于望雲之南山九月辛丑朔至自西京

大定七年九月幸保州十月還都

按金史世宗本紀大定七年九月庚寅次保州詔修起居注王天祺察訪所經過州縣官十月乙未朔上謂侍臣曰近聞朕所幸郡邑曾宴寢堂宇後皆避之此甚無謂可宣諭令仍舊居住戊申還都

大定八年五月如涼陁八月至自涼陁

按金史世宗本紀大定八年五月乙丑上如涼陁七月己卯次三叉口上諭點檢司曰沿路禾稼甚佳其

扈從人少有蹂踐則當汝罪八月乙酉至自涼陁大定十二年五月如百花川六月如金蓮川

按金史世宗本紀大定十二年五月癸酉上如百花川

甲戌命賑山東東路胡刺溫猛安民饑丁丑次阻居久旱而雨戊寅觀稼禁扈從蹂踐民田禁百官及承應人不得服純黃油衣癸未諭宰臣曰朕每次舍凡秣馬之具皆假于民間多不還其主此彈壓官不職可擇人代之所過即令詢問但民失民間什物並償其直乙酉詔給西北路人戶牛六月甲寅如金蓮川九月丙子至自金蓮川

大定十四年五月如金蓮川九月還都

按金史世宗本紀大定十四年五月甲午如金蓮川八月丁巳次弘里舌日中白龍見御帳東小港中須臾乘雲雷而去九月丁亥還都

大定十八年正月如春水五月如金蓮川

按金史世宗本紀大定十八年正月壬戌如春水二月丙寅朔次管壯丙子次華港己丑還宮四月己巳上謂宰臣曰朕巡幸所至必令體訪官吏臧否向玉田知主簿石抹杳乃能吏也可授本縣令五月丙午上如金蓮川八月乙巳至自金蓮川

大定二十年如春水

按金史世宗本紀大定二十年正月己巳如春水丙子幸石城縣行宮丁丑以玉田縣行宮之地偏林爲御林大淀深爲長春淀二月丁未還都

大定二十二年三月勅行幸所須不得取之民間四月如金蓮川

按金史世宗本紀大定二十二年三月甲申諭戶部

今歲行幸山後所須並不得取之民間雖所用人夫並以官錢和雇違者杖八十罷職四月甲子上如金蓮川九月戊寅至自金蓮川

大定二十三年正月如春水二月還都

按金史世宗本紀大定二十三年正月壬午如春水詔夾道三十里內被役之民與免今年租稅仍給備直二月乙巳還都

大定二十四年東巡

按金史世宗本紀大定二十四年三月甲午以上將如上京尚書省奏定皇太子守國諸儀丙申尚書省進皇太子守國寶上召皇太子授之且諭之曰上京祖宗興王之地欲與諸王一到或留二三年以汝守國營之農家種田商人營財但能不墜父業卽爲克家子況社稷任重尤宜畏愼常時觀汝甚謹今日能紆朕憂乃見中心孝也皇太子再三辭讓以不諳政務乞備扈從上曰政事無甚難但用心公正毋納讒邪久之自熱皇太子流涕左右皆爲之感動皇太子乃受寶丁酉如山陵己亥還都壬寅如上京皇太子允恭守國癸卯宰執以下奉辭于通州上謂宰執曰卿輩皆故老皇太子守國宜悉心輔之以副朕意又謂樞密使徒單克寧曰朕巡省之後脫或有事卿必親之母忽細微大難圖也時諸王皆從以趙王末中留輔太子四月庚申次廣寧府丙寅次東京丁卯朝謁孝寧宮給復東京百里內夏秋稅租一年在城隍關年七十者補一官曲赦百里內犯徒二年以下罪乙酉觀漁于混同江五月己丑至上京居于光輿宮庚寅朝謁于慶元宮戊戌宴于皇武殿上謂宗戚曰

朕思故鄉積有日矣今既至此可極歡飲君臣同之賜諸王妃主宰執百官命婦各有差宗戚皆霑醉起舞竟日乃罷六月辛酉幸按出虎水臨濟亭壬戌閱馬于綠野浣七月己未上謂幸臣曰天子巡狩當舉善罰惡凡士民之孝弟嫺睦者舉而用之其不顧廉恥無行之人則教戒之不悛者則加懲罰丙午獵于勃野浣八月乙亥詔免上京今年市稅按章宗本紀大定二十四年世宗東巡顯宗守國上奉表詣上京問安仍請車駕還都世宗嘉其意賜勅書答諭大定二十五年九月至自上京

按金史世宗本紀大定二十五年二月丁丑如春水四月己未至自春水壬申曲赦會寧府仍放免今年租稅百姓年七十以上者補一官甲戌上謂羣臣曰上京風物朕自樂之每奏還都輒用感愴祖宗舊邦不忍捨去萬歲之後當置朕於太祖之側卿等無忘朕言丁丑宴宗室宗婦於皇武殿大功親賜官三階小功二階總麻一階年高屬近者加宣武將軍及封宗女賜銀絹各有差日朕尋常不飲酒今日甚欲沉醉此樂亦不易得也宗室婦女及羣臣故老以次起舞進酒上曰吾來數月未有一人歌本曲者吾為汝等歌之命宗室子弟叙坐殿上皆坐殿上聽上自歌其詞道王業之艱難及繼述之不易至慨想祖宗宛然如睹慷慨悲咽不能成聲歌畢泣下右丞相元忠率羣臣宗戚捧觴上壽皆稱萬歲於是諸夫人更歌本曲如私家之會既醉上復續調至一鼓乃罷己卯發上京庚辰宗室戚屬奉辭上曰朕久思故鄉甚欲留一二歲京師天下根本不能久於此也太平歲

久國無征徭汝等皆著縱往住貪之朕甚憐之當務儉約無忘祖先艱難因泣數行下宗室戚屬皆感泣而退五月壬寅次天平山好水川癸卯遣使臨潢泰州勸農七月戊申發好水川九月辛巳朔次轄沙河賜百歲老嫗帛甲申次遼水召見百二十歲女直老人能道太祖開創事上嘉歎賜食并賜帛己酉至自上京

章宗明昌五年行幸景明宮

按金史章宗本紀明昌五年四月乙卯幸景明宮五月庚午次烏土撒八六月壬辰如水井己亥出獵登胡土白山酌酒再拜曹王未升以下進酒丙午曲赦西北路己未如香沙秋山七月戊辰獵于豁赤火一發貫雙鹿是日獲鹿二百二十二賜扈從官有差辛巳次魯溫合失不是日上親射獲黃羊四百七十一乙酉次水井丙戌以天壽節宴樞光殿凡從官及承應人遇單恩遷秩者並受宣勅于殿前八月辛亥至自景明宮

明昌六年正月如春水九月如秋山

按金史章宗本紀明昌六年正月壬辰如春水二月庚午至自春水九月辛卯如秋山十月丙辰至自秋山丁巳以歲幸春水秋山五日一進起居表自今可十日一進

承安五年如春水

按金史章宗本紀承安五年正月丙申如春水辛丑諭點檢司車駕所至仍令百姓市易二月辛未至自春水

泰和二年勅金井捺鉢母加修治又勅巡幸所經州

縣母以黃土覆道

按金史章宗本紀泰和二年五月壬戌諭有司曰金井捺鉢不過二三日留朕之所止一涼厦足矣若加修治徒費人力其藩籬不急之處用圍幕可也已已勅御史臺京師拜廟及巡幸所過州縣止令灑掃不許以黃土覆道違者糾之

泰和五年如光春宮春水

按金史章宗本紀泰和五年正月丁卯如光春宮春水乙亥詔有司自泰和三年郡縣三經行幸民嘗供億者賜今年租稅之半丁丑次霸州二月己亥如建春宮三月庚申還宮

宣宗貞祐二年巡幸南京

按金史宣宗本紀貞祐二年四月乙卯尚書省奏巡幸南京詔從之上決意南遷詔告國內太學生趙昉等上章極論利害以大計已定不能中止皆慰諭而遣之詣原廟奉辭戊寅將發雨不果行以南京留守僕散端等當請臨幸及行先詔諭之壬午車駕發中都丙戌次定興禁有司扈從踐民田丁亥次安肅州元帥右監軍完顏弼以兵迎見癸巳次中山府勅扈從軍所踐禾稼計直酬之六月癸丑次內丘縣大元乙里只來戊午次彰德曲救其境內庚申次鉅橋鎮壬戌次宜村黃龍見西北秋七月車駕至南京

元

定宗二年丁未秋西巡

按元史定宗本紀云云

世祖中統元年車駕駐昔光之地

按元史世祖本紀中統元年冬十月戊午車駕駐昔

光之地命給官錢雇在京裏運米萬石輸行在所十二月乙巳帝至自和林駐蹕燕京近郊

中統二年幸開平

按元史世祖本紀中統二年春二月丙午車駕幸開平詔減免民間差發罷守隘諸軍泰蜀行省借民錢給軍以今年稅賦償之免平陽太原軍站戶重科租稅

中統四年春二月甲子車駕幸開平秋八月壬申車駕至自上都

按元史世祖本紀云云

至元元年車駕幸上都

按元史世祖本紀至元元年春二月癸酉車駕幸上都詔諸路總管史權等二十三人赴上都大朝會弛邊城軍器之禁九月辛巳車駕至自上都

至元四年春二月車駕幸上都秋九月車駕至自上都

按元史世祖本紀云云

至元三十一年成宗即位巡狩三不刺之地

按元史世祖本紀至元三十一年夏四月皇孫至上都甲午即皇帝位按成宗本紀至元三十一年十月戊寅車駕還大都

按續文獻通考至元三十一年成宗既即位巡狩三不刺之地董文用言先帝新棄天下陛下巡遊不以時無以慰安元元人君猶北辰居其所而衆星拱之不在勤遠略也宜還京師上從之車駕還宮是年九月聖誕節帝駐蹕三部落受百官朝賀時監察御史崔敬疏言太祖以上都爲清暑之地車駕行幸歲以

爲常間有大安殿有鴻禧齋思所以保養聖躬適起居之宜存畏敬之心也今失刺幹耳采思乃先皇所以備宴遊非常時臨御之所陛下方以孝治天下屢降德音祇行宗廟親祀之禮雖動植無知罔不歡悅而國家多故天道變更臣備員風紀以言爲職願大駕還大內居深宮嚴宿衛與宰臣謀治道萬機之暇則命經筵進講究古今盛衰之由緝熙聖學乃宗廟之福也

成宗元貞元年春二月丁酉車駕幸上都秋九月甲戌帝至自上都

按元史成宗本紀云云

大德三年車駕幸柳林遂幸上都

按元史成宗本紀大德三年春二月癸丑朔車駕幸柳林庚辰幸上都秋九月癸未聖誕節駐蹕古樺受諸王百官賀已亥車駕還大都

按續文獻通考成宗時每歲或二月三月車駕幸上都至九月或十月還大都

武宗至大元年春三月戊寅車駕幸上都秋九月乙亥車駕至自上都

按元史武宗本紀云云

至大四年車駕還大都

按元史仁宗本紀至大四年春正月武宗崩三月即皇帝位于大明殿閏七月甲辰車駕將還大都太后以秋稼方盛勿令鷹坊馳人衛士先往庶免害稼擾民敕禁止之

英宗至治元年幸上都

按元史英宗本紀至治元年春二月辛巳車駕幸上

都秋八月車駕駐蹕興和左右以寒甚請還京師帝曰兵以牛馬爲重民以稼穡爲本朕遲留蓋欲馬得芻牧民得刈穫一舉兩得何計乎寒九月丙子駐蹕昂兀嶺丁酉車駕還大都

至治二年三月幸柳林四月幸五臺

按元史英宗本紀至治二年春三月丁酉幸柳林夏四月戊戌朔車駕幸上都五月甲申車駕幸五臺山六月丁卯朔車駕至五臺山禁苑從宿衛母踐民禾秋七月車駕次應州

至治三年幸上都

按元史英宗本紀至治三年春三月壬辰朔車駕幸上都秋八月癸亥車駕南還駐蹕南坡

按續文獻通考至治時每歲幸上都如仁宗泰定帝泰定元年夏四月甲子車駕幸上都秋八月車駕至大都

按元史泰定帝本紀云云

泰定三年幸上都

按元史泰定帝本紀泰定三年春二月甲辰車駕幸上都秋七月甲辰車駕發上都禁車騎踐民禾九月庚申車駕至大都

泰定四年春二月壬午狩于潮州三月壬戌車駕幸上都秋閏九月車駕至大都

按元史泰定帝本紀云云

按續文獻通考泰定時每歲幸上都如英宗文宗至順元年五月車駕發大都六月至上都

按元史文宗本紀至順元年夏五月戊辰車駕發大都次大口己巳次龍虎臺六月丙戌大駕至上都秋

閏七月大駕將還勅上都兵馬司官二員率兵士由偏嶺至明安巡邏以防盜賊丁酉大駕發上都八月己未大駕至京師

按續文獻通考至順元年樞密院臣言每歲大駕幸上都發各衛軍士千五百人扈從又發諸衛護軍萬五千人以駐山後蒙古軍三千人駐官山以守關梁乞如舊數調遣以俟來年從之

至順三年夏五月庚寅大駕發大都時巡于上都按元史文宗本紀云云

順帝元統二年夏四月車駕時巡上都秋九月辛卯車駕還自上都

按元史順帝本紀云云

至元元年時巡上都

按元史順帝本紀至元元年夏五月戊子車駕時巡上都遣使者謁曲阜孔子廟致祭秋九月庚辰朔車駕駐扼胡嶺

至元二年夏四月戊戌車駕時巡上都秋九月戊辰車駕還自上都

按元史順帝本紀云云

至元三年四月車駕巡上都八月至自上都

按元史順帝本紀至元三年夏四月己卯車駕時巡上都秋七月丙午車駕幸失刺斡耳朵丁未車駕幸龍岡灑馬乳以祭八月車駕至自上都

至正元年夏四月車駕時巡上都秋八月車駕至自上都

按元史順帝本紀云云

欽定古今圖書集成經濟彙編禮儀典

第二百九十八卷目錄

巡狩部彙考六

明太祖洪武三則 成祖永樂四則 宣宗宣德二則 武宗正德四則 世宗嘉靖三則

皇清

總一則 順治一則 康熙三則

巡狩部彙考七

易經 觀卦 復卦

禮記 曲禮 王制 曾子問 禮器 郊特牲

巡狩部總論

白虎通 巡狩

文獻通考 巡狩

大學衍義補 王霸之禮

禮儀典第二百九十八卷

巡狩部彙考六

明

太祖洪武元年八月幸北京

按續文獻通考洪武元年八月帝幸北京先是上得汴梁詔以金陵為南京汴梁為北京至是幸之十月

戊寅還南京

洪武五年定車駕出入肅清道路儀

按明會典洪武五年定車駕出入有司肅清道路官

民不許開門觀望行立所在官員父老合迎駕者於仗外路右叩頭俛伏候車駕前行方起若遇駐蹕之處合迎駕之人行五拜禮車駕行處有衝入仗內者絞仗外五十步內觀望者杖一百如於郊野外一時不能迴避者俛伏行立觀望者杖一百與仗衛官故縱者同罪失覺減二等陳訴冤抑仗外俛伏以聽如衝入仗內者如律合迎車駕之人仗外不俛伏者亦如律車駕所至凡文武官非近侍及宿衛護駕而在五十步內者依例俛伏行立觀望者如律縱放牲畜突入仗內者杖八十凡皇城宿衛及在京守門官員軍士遇駕出入執仗肅立不須迴避其在外城鎮守門官及士卒如遇車駕經行則俛伏迴避

洪武八年幸中都

按續文獻通考洪武八年四月上幸中都次滁州遣官祭滁陽王上至中都祭告天地

成祖永樂六年詔定巡狩儀注

按明會典巡狩未樂六年定詔告天下諸司及各處鎮守總兵官知會一禮部預行各處凡有重事并四夷來朝俱遵行在所仍具本啓聞其餘事務奏啓俱達京師啓聞施行事有疑礙者在京令該衙門具奏取自上裁凡進拜表文遠行在所箋文達京師一禮部預行經過所在軍民衙門俟車駕至官吏生員者老朝見及預行北京畿內文武衙門令掌印官俟車駕至朝見一祭祀車駕將發奏告天地社稷大廟孝陵祭大江旗幟等神輟祭於承天門外其經過處所滁州遣官祭滁陽王泗州遣官祭祖陵鳳陽祭皇陵祭淮關里遣官祭先師孔子望祭泰山緣途古先聖

賢忠臣烈士祠墳禮部預期奏聞遣官致祭將至北京境上設壇祭北京山川等神車駕至北京奏告天地祭告境內山川等神一扈從在京馬步軍五萬人內馬軍一萬步軍四萬馬軍五千步軍五千充駕前軍餘馬軍五千步軍三萬五千分五軍率領每軍馬軍一千步軍七千以都指揮指揮千百戶管領錦衣衛仍選將軍五百人校尉二千五百人力士二千人一侍從五府都督各一員首領官一員吏六人吏部堂上官一員文選等四司官五員辦事官二十員歷事監生四十人人才五十人吏十人戶部堂上官一員北京等十二司官十三員辦事官十員吏二十四人禮部堂上官二員儀制等四司官七員辦事官十員吏十二人鑄印局官一員吏一人匠六人兵部堂上官一員武選等四司官七員辦事官五員吏十五人刑部堂上官一員浙江等十二司官十二員辦事官五員吏十三人工部堂上官二員營繕等四司官十員辦事官二十員吏十五人都察院堂上官一員浙江等十二道監察御史二十四員辦事官五員吏二十四人通政司堂上官二員首領官一員吏六人大理寺堂上官一員左右寺官六員吏十人大常寺堂上官二員首領官一員吏一人贊禮郎四員協律郎一員司樂一員樂舞生二十人廚子五十人光祿寺堂上官三員首領官一員署官十七員辦事官六員吏三人廚子一千人鴻臚寺堂上官四員首領官一員司儀司賓二署各一員序班四十員鳴贊四員及通曉夷語者斟酌帶去翰林院內閣官三員侍講修撰典簿等官六員書制勅秀才八人及譯寫四夷

文字監生十三人尚寶司官二員吏科給事中二員戶科給事中三員禮科給事中四員兵科給事中三員刑科給事中三員工科給事中三員中書舍人四員寫誥秀才五人行人司行人十員太醫院堂上官二員御醫二員生藥庫官一員醫士摘選三分之一吏三人欽天監官三員天文生十五人教坊司奉鑾部舞司樂各一員俳優長色長樂工斟酌用之一員從文武官軍人等陸路文武官員人等寫制誥秀才譯字監生緊用供用醫士天文生及府役人等俱給馬驛驢匹馬官給外腳力驢給鈔六十錠令自備辦事官監生人才吏典及醫士廚役等非緊用者人給腳力鈔二十錠隨伍官員將軍校尉力士旗軍每二人給驢一匹如不敷亦給鈔六十錠自備水路俱應付船隻遇陸路應付車輛一緣途各站每站增馬二十匹令附近衛所馬軍內差撥仍令附近有司備車一百輛無車之處起夫五百人聽候一經過處所支給糧草扈從官員人等人日給行糧二升馬日給料四升草一束鹽料一升草一束一車駕將發宴在京文武羣臣賜扈從文武官員軍校人等鈔公五十錠侯四十錠伯三十錠一品二品二十錠三品四品十五錠五品十二錠六品七品十錠八品九品八錠未入流及辦事官將軍總小旗人鈔七錠將軍及各衛總小旗人鈔六錠監生秀才吏典人才醫士樂舞生軍校力士廚子工匠人鈔五錠軍伴皂隸樂工人等人鈔四錠在外衛所扈從及各處駐劄官軍依京衛官軍例給賞一車駕至北京宴文武羣臣者老賜官員人等及命婦鈔其當守城命婦論次行賞一遇萬壽

聖節公侯駙馬伯文武官四品以上近侍官及監察御史預宴五品以下並辦事官監生秀才吏典軍民工匠人等依例賜鈔一錠一五府六部都察院大理寺錦衣衛各鑄印信通政司鴻臚寺各鑄關防一尾從官員有牙牌者隨身懸帶以憑關防出入一經過郡縣分遣廷臣考察守令賢否即加黜陟分令給事中監察御史存問高年賜幣帛酒肉一經過鳳陽陵戶及親戚人賜鈔六錠者老迎見者人賜鈔三錠泗州陵戶親戚者老迎見者賞如之

按續文獻通考末樂六年八月丙戌詔明年二月巡北京

末樂七年北巡

按續文獻通考末樂七年正月命學士胡廣諭德楊榮金幼孜修撰王英等扈從二月上啓行命皇太子監國三月車駕至北京御奉天殿受朝賀

末樂八年十月丁酉車駕發北京十一月癸亥朔冬至車駕還京

按續文獻通考云云

末樂十一年二月上巡幸北京皇太孫從

按續文獻通考云云

末樂十五年巡北京

按續文獻通考末樂十五年三月壬子上巡北京皇太子監國命胡廣楊榮金幼孜扈從

宣宗宣德五年十月車駕發京師駐蹕玉河遂幸雷家站

按續文獻通考宣德五年九月車駕巡近郊冬十月丙子車駕發京師駐蹕玉河諭成國公朱勇等曰今

農收雖畢而禾稼在場民間公私之費皆出於此扈從官軍不許入民家有所索違者處以重刑其申令各營悉知之壬午駐蹕雷家站名學士楊士奇楊榮金幼孜楊溥問曰唐太宗過此非征遼時乎衆對曰然上曰太宗恃其英武而動遠略此行所喪不少帝王之鑒戒也又問此山崩於順帝時人率謂元亡之徵卿等以爲如何衆對曰順帝自是亡國之主雖山不崩國亦亡上曰此言正合朕意昔聖明王之世未嘗無災異大抵國之存亡係其君德之仁與不仁而已戊子廻鑾駐泥河壬辰車駕至京師

宣德九年帝率師巡邊

按續文獻通考宣德九年九月上將率師巡邊命蹇義楊士奇楊榮胡濙楊溥吳中等扈從癸未車駕發京師丁酉駐蹕洗馬嶺庚子廻鑾

武宗正德十二年八月出居庸關九月幸大同

按續文獻通考正德十二年八月上出居庸關至懷來宣府等處游獵邊將江彬輩導之也先是彬與邊將許泰劉瑄等皆有寵於上賜姓朱氏號曰外四家

上在豹房同臥起狎近而彬寵尤盛屢導上出官游

戲近郊至居庸關巡關御史張欽閉關上疏不聽遂

遠出關外楊廷和等累疏請回鑾且言居庸臨邊敵

國不時出沒爲寇正統末年之時未遠可爲明鑒不

聽九月上幸大同獵陽和敵以衆數萬掠應州上命

諸邊將擊之敵尋引去

正德十三年八月北巡

按續文獻通考正德十三年正月郊祀畢上復出關

游獵二月二日太皇太后王氏崩上還京四月初上

遊獵二月二日太皇太后王氏崩上還京四月初上

以太后將謝葬詣天壽山祭告遂往黃花鎮密雲等處游獵五月末旬上還京六月敕入寧夏塞上復議北巡楊廷和等諫萬乘不宜輕出上不聽乃自稱威武大將軍太師鎮國公朱壽巡邊又欲以朱彬為威武副將軍扈從以行命內閣草敕廷和語毛紀具疏連名上之疏略曰人君承天命以為天子四方萬國皆其臣妾今乃假稱威武大將軍國公名號下同臣庶天地易位冠履混淆自古及今未有也邇者皇上時出巡游天下人心無不疑懼奈何又復為此萬一宗藩之中或有援引祖訓指此為言不知陛下何以應之又或以朝無正臣內有奸邪為名不知陛下之左右及臣等代言之臣又將何以自解臣等戮身亡家固不足惜但恐朝廷之上禍亂或從此始耳此臣等之所以日夜痛心疾首而不敢以自默也疏上不省時上必欲內閣草敕屢遣中官促之楊廷和稱疾不出上御左順門召梁儲面促草敕儲奏曰敕不敢草上曰何不逆命對曰凡事可將順獨此敕不敢草上曰何不逆命對曰陛下為君乃自卑而列於臣臣草敕是以臣名君故不敢上大怒手劾立曰不草敕齒此劒儲免冠解帶伏地流涕曰臣逆命有罪願就死若草勅則以臣名君臣死不敢奉命良久上亦察其誠擲劒而起更命廷和草之既而禮部尚書李選學等廷議欲建儲居守時朱寧陰受寧王宸濠賂謀入寧世子司香太廟江彬亦欲立所厚遠藩各陰有所主梁儲厲聲曰皇上春秋鼎盛建儲未宜輕言萬一有他吾輩伏斧鑕矣邪謀豈可聽徇王瓊王鴻儒亦助言之謀遂寢八月上北巡出居庸關遂歷宣府

至大同九月上在大同冬十月上自偏頭關渡河幸榆林

正德十四年幸南京

按續文獻通考正德十四年春正月上在榆林二月初旬上自榆林還京師三月上欲巡視秦晉歷徐揚抵南京下蘇浙浮江漢登武當且遍觀中土繁麗諸處都下人情洵洵時江西寧藩久蓄異謀俟釁而發內外咸以為憂於是翰林修撰舒芬等約諸同志上疏乞雷俱會闕下吏部尚書陸完迎諸上疏者曰皇上聞直輒輒引刀為劒狀今且撒轡矣其容色辭氣盡歸咎於上以沮言者一時言官又多其黨遂為所阻芬乃邀吏部郎中夏良勝儀制郎中萬潮太常博士陳九川各疏連上太醫院醫士徐鏊以醫諫又明日吏部郎中張衍慶禮部郎中姜龍兵部郎中黃華孫鳳員外陸震刑部郎中顧棠率部僚合疏入又明日工部郎中林大輅等大理司正周叙等行人司副余廷瓚等並連名疏入於是上大怒下黃璽陸震夏良勝萬潮陳九川徐鏊於錦衣衛衛尉舒芬張衍慶姜龍孫鳳陸震等百有七人跪於午門外五日林大輅周叙余廷瓚等二十餘人俱下獄明日同黃璽等六人亦跪五日於是數日京師陰霾晝晦人情震駭宮城內海水溢四五尺折橋下鐵柱有金吾衛指揮張英明言車駕出必不利乃肉袒露刃於曾以死諫於是自有旨命錦衣衛將舒芬等百有七人俱午門前各杖三十為首者調外任芬調福建市舶副提舉餘俱罰俸半年夏四月命錦衣衛將黃璽等六人午門前杖五十徐鏊發充軍璽夏良勝潮九川俱為民

林大輅周叙余廷瓚杖五十降三級調外任其餘俱杖四十降二級調外任時被杖而死者陸震余廷瓚主事劉校何遵許事林公輔照磨劉狂行人孟陽李紹賢劉平甫李翰臣詹軾十有一人車駕遂不果出雖士氣少振江彬奸謀少沮而國體亦少損矣八月下詔南征大學士梁儲將冕扈從時王守仁擒宸濠捷音猶未至京諸邊將在豹房者各逞所見獻擒宸濠之策上亦欲假親征南游太監張忠等見錢寧賊賢事敗又欲因此邀功上出師駐蹕良鄉都御史王守仁擒宸濠捷音至入奏上令遣回待至南京另奏大學士梁儲將冕以宸濠就擒江西已寧屢請回鑾不聽九月上至南京十月上在南京禁約人民不許養猪及易買宰殺違者發極邊衛衛俱充軍以猪音同國姓也遠近流傳旬日之間各處城市鄉村居民將所養猪盡行減價賤賣十一月上在南京十二月上在南京

正德十五年帝在南京十月車駕北旋

按續文獻通考正德十五年正月上在南京欲就南京舊壇大祀天地梁儲等言南北配位不同且典章不可紊乃止二月上在南京楊廷和毛紀疏請回鑾謂大祀之禮行於正月社稷之祀舉在仲春孝貞皇后大祥在二月二日禮應即時祈廟今改卜至再甚為非宜天下朝覲官員吏部考察上請未奉定奪各官離任既久政務悉廢殿試進士之制亦已踰期自去秋聖駕南行至今八月有餘在京在外各衙門題奏俱未蒙發出施行伏望聖賜班師還京舉行前頒大禮各衙門題奏文書早賜發出毋致事務久稽有

生他虞不報夏四月上在南京五月上在南京六月
上在南京秋七月上駐蹕南京既久復有游蘇杭泛
江浙游湖湘登武當之意畿內郡縣供給繁難梁儲
將冕自執書奏懇請回鑾泣跪於行宮門外自未至
酉上遣中官取奏人且諭之起對曰臣未奉旨不敢
起中官復出傳旨云已知道日下便要回鑾儲等乃
起八月上在南京九月上在南京羣黨欲自獻俘襲
功張末曰昔未出京宸濠已擒奈何襲之於是以大
將軍鈞帖令王守仁重上捷音守仁乃節略前奏入
諸人名於疏內上之上始議北旋十月上自南京班
師凱旋十二月駐蹕通州

世宗嘉靖十五年幸萬壽山

按續文獻通考嘉靖十五年三月上欲擇壽域奉皇
太后謁萬壽山陵遂行十八道嶺李時夏言顧鼎臣
廖道南郭勛扈從壬戌祀文皇帝於平臺山言行帳
火暨助時帳俱燼言所收奏章五通亦燼翼日泛舟
西湖上製泛舟賦命和時助以災疏謝言不謝上切
責之輪罪乃已夏四月作幽宮上復幸西山視工八
月上復如天壽山遷孝肅太皇太后神主於裕陵孝
穆皇太后孝惠太皇太后神主於茂陵各享殿夏言
李時扈從還告祖考於內殿

嘉靖十七年幸平臺山

按續文獻通考嘉靖十七年夏四月上如平臺山以
文皇駐蹕之所命建亭崇祀

嘉靖十八年定南巡儀

按明會典嘉靖十八年南巡儀一先期上親奏告皇
天於元極寶殿同日告聞皇祖太廟皇考睿宗廟遣

官分告北郊成祖列聖奉廟太社稷帝社稷朝日夕
月天神地祇用祭服太常寺備脯醢酒果翰林院撰
告文一轅祭於承天門遣官祭旗纛之神用牲醴制
帛三獻如常儀一駕發出正陽中門后妃輦轎後隨
錦衣衛設欽製武陳駕備輦與儀仗等項扈行本衛
選精壯旗校八千人內以六千人專管擡奉上座輦
輦二千八人專管擡執駕儀及一應正直巡綽傳宣等
用選委千百戶一百二十員分投管理各分撥班接
替行太僕寺調取寄養馬三千匹兌給各旗校更迭
騎坐以錦衣衛指揮充前驅使領千百戶等官先往
肅清道路簡命武職重臣二員留守京城兵部尚書
一員參贊機務各請勅行事以文職大臣一員總督
整飭宣大等處軍務一員提督薊州山海關等處地
方邊備文職重臣一員充行邊使往遼東薊州宣大
雁門固原等九邊閱視邊備戶部齎銀隨去勞賞官
軍各請勅行事兵部奏請皇城四門京城九門大明
門外兩邊守門文武大臣各一員坐邊官侯伯二員
增設守門官軍用科道官點開京城內外巡捕官軍
行團營再選有馬官軍三千員名分爲兩班的派五
城地方與同舊有官軍巡邏仍選委坐營官及各提
督把總等官晝夜巡捕安定德勝門各土城門外及
鄭村壩大黃莊居庸關白羊口六處地方該營揀選
有馬官軍每處一千員名分爲兩班輪流下營防守
安定德勝門土城各用東西官廳聽征總兵官一員
其餘各用參將一員統領下營紫荊倒馬二關保定
撫鎮官揀選精銳有馬官軍每關一千員名分爲兩
班每月輪流下營守把各委坐營官一員統領一兵

部於團營東西官廳聽馬監勇士內揀扈駕官軍六
千員名給兌馬匹內執武陳駕儀一千人總兵官一
員領之駕前後各二千人參將二員領之駕左右各
五百人翼駕行左右副參將領之及行文沿途撫鎮
等官調撥兵馬屯駐恩福先期戶部請勅命侍郎一
員率屬官六員帶領太倉銀三十餘萬兩前去沿途
整理官軍糧料工部請勅差郎中一員同內官監督
理沿途橋道及行宮蒞殿禮部行南北直隸浙江等
十三布政司凡有要緊重事俱達行在所奏聞其餘
事務俱達在京通政使司照常封進各該衙門啓請
皇太子令旨行其事有疑礙者各差人赴行在具奏
取旨各處拜進表箋除歲例等項赴在京禮部照常
類收啓請司理監官捧進其特賀大禮不係常典者
原差人恭詣行在投進一扈從官五府堂上官各一
員首領官各一員吏各一人吏部堂上官一員文選
等四司官各一員辦事官六員吏六人戶部堂上官
二員浙江等十三司官各一員辦事官二員吏十三
人禮部堂上官二員儀制等四司官共六員鑄印局
官一員辦事官六員儒士三人吏十二人鑄印匠四
人兵部堂上官一員武選等四司官共六員辦事官
一員吏六人刑部堂上官一員浙江等十三司官各
一員辦事官一員吏十三人工部堂上官二員營繕
等四司官共十員辦事官二員吏十人都察院堂上
官二員浙江等十三道監察御史各二員辦事官四
員吏十三人通政司堂上官二員首領官一員辦事
官二員吏二人大理寺堂上官一員左右寺官二員
辦事官二員吏二人太常寺堂上官六員首領官二

員屬官十員吏二人執事人役四十人廚役三十人
光祿寺堂上官二員四署官四員吏四人廚役二百
人太僕寺堂上官一員首領官一員吏一人鴻臚寺
堂上官俱從司儀司賓各一員鳴贊四員序班十六
員通事四員翰林院堂上官并講讀等官四員制勅誥
勅二房官共二十員譯字官生四人吏十人尚寶司
官四員吏一人六科給事中十二員吏六人中書舍
人一員吏一人行人司行人十員吏三人太醫院堂
上官五員御醫吏目八員聖濟殿醫士選帶三分之
一吏二人欽天監堂上官一員博士等官八員天文
生陰陽人共十人吏一人教坊司奉鑾韶舞司樂八
員俳色長樂工二百人扈從文武內外官及各項人
役合用夫馬驢羸車輛廩給口糧各項應付事宜兵
部定擬奏請轉行在外有司一體應付內府印綬監
收貯先年行在衙門印信關防禮部領出給付各扈
從官使用尚寶司給領文武字樣牙牌一駕發留守
大臣率在京文武衙門官員各具吉服先期赴宣武
門外彰義關候送駕過退扈從官分程先發在途俱
免朝參候駕惟禮兵一部鴻臚寺太常寺科道糾儀
官從行光祿寺隨路預辦御膳酒飯供具凡遇行宮
進膳處所各該撫按守巡兵備等官選委精壯官軍
披帶盔甲器械拱衛乘輿不許誼譁錯亂違者聽錦
衣衛即時具奏罕問其扈駕官軍戶部給散行糧工
部辦鍋甌不許分外索害有司及人民含混擾違者
許被害之人赴撫按衙門告治仍行隨駕緝事官校
訪鞫重治各該軍衛有司不許分外科斂違者聽撫
按官體訪指實參究重治各衙門跟隨吏書人等各

照兵部原行關文於軍衛有司驛遞衙門應付不許
分外多索其應付衙門亦要即時應付毋得遲悞違
者俱赴所在官司告治經過駐劄地方原有商賈店
鋪開賣飯食等物照常市買不許躲避亦不許從駕
人員用強輕價勒買違者許被害之人即時告治兵
部各行各該巡撫官預先出給榜文曉諭一經過處
所具定望祭北嶽恆山之神用牛犢羊豕上具常服
行禮如常儀五府九卿巡撫大臣吉服陪拜衛輝遣
官祭濟瀆之神用太牢鉤州望祭中嶽嵩山之神榮
澤祭河神俱用太牢行禮如北嶽南陽遣官祭武當
山之神用牲犢沿途古帝王聖賢忠臣烈士祠墓禮
部查訪預期奏聞遣官致祭帝王用太牢次用少牢
又次脯醢酒果凡祭翰林院撰祭文一各處撫按并
三司官俱於所屬境上候駕先赴行在鴻臚寺報名
駕至行宮各具吉服朝見所過府衛州縣官吏生員
耆老人等俱於三十里外候迎道傍跪叩頭駕過退
駕至行宮鴻臚寺引見行五拜三叩頭禮一各處近
路王府許親王具常服先出城候駕其餘宗室俱不
許擅離府出迎一諸王迎接先期命文武大臣侍於
途王於道傍拱立文武大臣下馬侍上左右禮部尚
書跪奏某王某恭迎聖駕駕見內侍官引王至駕前跪
行叩頭禮禮部尚書進立於上前候旨承旨訖起立
傳旨示王隨至行宮上入少憩王具冕服文武大臣
於殿內左右侍從從官於丹墀東西侍班候上陞座
鴻臚寺官引王由殿左門入至拜位贊行五拜三叩
頭禮畢上命賜宴內侍官引王於別次少候從官叩
頭如常儀王宴畢遣大臣伴送回府駕還先以書止

諸王勿煩出送一上臨舊邸恭詣皇考睿宗獻皇帝
廟謁告越四日行祭告皇天禮於龍飛殿丹陛奉皇
考睿宗獻皇帝配是日上更皮弁服詣國社壇山川
壇行告祭禮次日恭謁顯陵次日從駕官上表賀遂
頒詔前期一日鴻臚寺陳設表案詔案於龍飛殿中
錦衣衛設隨駕朝儀及迎詔綵輿香亭于丹墀教坊
司設中和韶樂百官各具朝服地方官吏師生耆老
人等俱隨班行禮是日早鳴鐘鼓上具冕服御後殿
執事官行禮畢上陞殿鳴鞭欽天監官唱時鴻臚寺
贊入班贊四拜與平身唱宜表目宜表目官宣訖唱
宜表宜表官宣訖贊俛伏興贊四拜興贊頒詔翰林
院官捧詔授禮部尚書捧詔置雲盤內叩頭興由殿
中門出置綵輿內錦衣衛官校舉輿教坊司鼓樂前
導百官趨出候於龍飛門外鴻臚寺贊入班行四拜
禮贊跪宣詔畢贊俛伏興贊贊舞蹈山呼出贊贊
四拜與平身禮畢禮部尚書捧詔出騰黃奏差行人
等官頒示天下一聖駕回京上親奏謝皇天上帝於
元極寶殿同日告謝皇祖太廟皇考睿宗廟如常儀
文武官例該陪祀者俱具祭服陪拜遣官分告北郊
成祖列聖羣廟太社稷帝社稷朝日夕月天神地祇
太歲旗纛都城隍等神承天門之神俱行禮如初
按續文獻通考嘉靖十八年二月十六日駕出南京
詣湖廣承天府視計顯陵先是獻皇后崩上與羣臣
詳議合葬顯陵會錦衣衛趙俊自承天回言元宮有
水又有言顯陵土壤故震位久虛者而尚書汪鉉亦
言當遷入天壽山上乃決意南巡躬閱開立皇太子
監國以宣城伯衛鐸等為留守使起翟鑾為行邊使

顧鼎臣同留守張瓚參預機務太監麥永協守及分
守京城官十人賜鼎臣勅曰朕幸承天已冊東宮監
國特爾卿贊輔協董文武重臣居守內自掖庭外而
都城遠及邊鄙百司庶務悉以付卿事須入告者以
賜印密啓乙卯駕發丁卯次衛輝行宮火陸炳負帝
出從中四月庚辰回鑾詔天下曰朕以非才切承天
眷君茲黔首主御華夷所事者人極重焉故首正父
子天倫之正復崇考廟當有所宗邇者積愆殊深累
於慈聖驚輿遐邁京徒推五內之傷鳳輦丹園禮歎
宜二親之共匪自經營何慰夙夜乃於今年春仲之
十有一日奏告於天地宗廟社稷徧達於百靈衆秩
山川於十有六日駕徂荆楚之舊藩躬視承天之嚴
寢月二十有五日駐蹕龍飛內之卿雲宮齋潔肅誠
定禮備樂有五日元吉祇奏告大祀於皇天奉皇考
睿宗獻皇帝上配報生恩而謁顯陵告神功而祭社
稷以及道經之望徧衆舉諸王羣職迎觀獻誠雖未
如四狩之巡亦以見省方之意且朕何人敢外堯舜
祇欲伸送終之道以求永世之安庶幾教天下也今
元寢之制置既詳親體之尊安攸定但念本根所在
百姓繁懷勞擾久時民艱當軫承天府免明年田租
五分之二北直河南二處亦與免明年三分之一用
見朕懷恤之意期以今三月二十三日還京嗚呼慎
終思未立愛敬以式臣民終始未減建中業以遺孫
子尚賴忠賢匡於至治詔爾華夏宜悉知之

皇清

大清會典巡幸之典即古者省方蒐狩之遺意其儀
始定於

太宗時而詳於順治八年至康熙二十三年

皇上東巡軫念民依特加蠲賑

變輿所至訓飭官方修明祀典尤為隆備具載於後

國初定

車駕巡幸南簿樂器照常陳設

駕出內大臣侍衛等俱於

駕後分隊隨行每隊馬首排齊前後相離丈許前後

隊伍人員不許越次過窄狹處俟前隊過畢後

隊方行不許混爭若奉

旨傳後隊侍衛等官由兩旁進退不許衝入儀仗侍

衛等官隨從人俱在後隊隨行若侍衛等官易

馬至隊後易畢馳入本隊

凡

上遊幸時王貝勒遇見令執事迴避下馬候

駕過始乘馬隨行

凡王貝勒扈從者各照定數隨從人員於

大清門外齊集候

上出王等在旁稍後隨行王等每位各隨護衛三員

照該王等左右翼隨行其餘護衛各照旗分次

序排列於

上隊後隨行王貝勒若赴

上前止許親身從旁入若

上召問勒馬稍後欠身恭對若王貝勒易馬至隨從

人員處易畢隨行或王貝勒赴

上駐蹕處於三十餘丈處下馬

凡大臣扈從者候

上隊過并王貝勒護衛過畢照各旗次序於王等護

衛後隨行

上召問時從旁入勒馬稍後欠身恭對赴

上駐蹕處於六十餘丈處下馬

順治八年

大清會典順治八年題准

皇上行幸隨

駕及不隨

駕諸王貝勒俱盛服於

太和門齊集候

上出宮於金水橋兩旁排立

駕至跪候過隨行其不隨

駕貝子以下文武各官并隨

駕都統俱盛服在

午門外常朝處兩旁排立

駕出午門俱跪候過不隨

駕王以下都統以上送

駕候

旨乃同隨

駕護軍統領副都統參領等各率本旗官兵於

駕出門外排列跪候

駕過各照旗按隊隨行

駕還京城日在京諸王貝勒俱朝服在

午門外兩旁排立貝子以下文武各官俱朝服在

午門外常朝處兩旁排立